

INSTITIÚID OIDEACHAIS MARINO

SCRÚDÚ FAOI THEASTAIS GHAELGE, EARRACH 2024

SCRÚDÚ LE hAGHAIDH CÁILÍOCHTA SA GHAELGE

PÁIPÉAR II – 100 MARC

(80 MARC ANSEO AGUS 20 MARC DO ‘TEANGA AGUS CULTÚR’)

Uair agus leathuair an chloig don pháipéar seo (10.00-11.30). Dhá cheist a fhreagairt, ceist amháin as gach Roinn.

ROINN A

PRÓS

Freagair Ceist 1 nó Ceist 2

1. “Tá an-tuiscint ag an údar ar a asal sa scéal ‘M’Asal Beag Dubh,’ le Pádraic Ó Conaire.”
Déan an ráiteas sin a phlé agus tagair don scéal mar thacaíocht le do fhreagra.
(40 marc)

2. “Tugann an sliocht as *Fiche Blian ag Fás*, le Muiris Ó Súilleabháin, léargas álainn, ó pheirspictíocht an bhuachalla óig, ar nósanna traidisiúnta na mBlascaodaí.”
Déan an ráiteas sin a phlé agus tagair don scéal mar thacaíocht le do fhreagra.
(40 marc)

ROINN B

FILÍOCHT

Freagair Ceist 3 nó Ceist 4

3. “Tugtar cur síos cruinn spreagúil ar thréithe an bhroic in ‘An Broc,’ le Pádraig Mac Fhearghusa.”
Pléigh an ráiteas sin agus luaigh línte ón dán mar thacaíocht le do fhreagra.
(40 marc)

AN BROC

Dán do pháistí

Is mise an Broc!
Os comhair stróinséirí
táim beagáinín cúthaileach.
'Sea, fíor dhuit,
is nós liom
bualadh amach istoíche,
ach más é is fearr leat,
fáilte romhat isteach
go fóill
im bhrocais.
Á! Fan!
Níl do lapaí
glan go leor.
An doras cúil
a chaithfidh tú
a thabhairt ort féin.
Buail fút ansan anois
sa tseomra bídh,
mar a bhfuil suipéar breá
réidh dár mbeirt
de bhleibíní, pucha,
is dearcáin –
Bíodh frog agat
mar mhilseog ina dhiaidh,
is ós oíche spéirghealaí
'tá againn,
téanam sall ar ball beag
thar an gcoill
go n-ólaimis braon dí
i nGort an tSrutháin.

4. “Sa dán ‘Faoiseamh a Gheobhadsa,’ le Máirtín Ó Direáin, tabharfaidh an t-oileán, agus muintir an oileáin, faoiseamh don fhile óna shaol uaigneach sa chathair.”
Pléigh an tuairim sin agus tagair don dán mar thacaíocht le do fhreagra.
(40 marc)

FAOISEAMH A GHEOBHADSA

Faoiseamh a gheobhadsa
Seal beag gairid
I measc mo dhaoine
Ar oileán mara,
Ag siúl cois cladaigh
Maidín is tráthnóna
Ó Luan go Satharn
Thiar ag baile.

Faoiseamh a gheobhadsa
Seal beag gairid
I measc mo dhaoine,
Ó chrá croí,
Ó bhuaire aigne,
Ó uaigneach duairc,
Ó chaint ghontach,
Thiar ag baile.